



MEMORIA EXPLICATIVA DO CONVENIO DE COLABORACIÓN ENTRE A S.A DE XESTIÓN DO PLAN XACOBEO É O CONCELLO NEDA PARA A XESTIÓN DO ALBERGUE DE PEREGRINOS SITO EN DITO CONCELLO

A S.A. de Xestión do Plan Xacobeo é unha Sociedade Anónima, de capital público da Xunta de Galicia, que, segundo os seus estatutos, ten entre as súas finalidades:

Artigo 2. Obxecto social

2. En concreto, constitúe o obxecto da sociedade a realización das seguintes actividades:

- a) A xestión dos ingresos e gastos derivados do funcionamento da rede pública de albergues e do resto de edificios da entidade.
- b) A contratación, seguimento e xestión dos servizos de mantemento, seguranza, limpeza, atención así como todos aqueles que sexan necesarios para o correcto funcionamento da rede pública de albergues e do resto do patrimonio da entidade.”

Por tanto a Sociedade Anónima de Xestión do Plan Xacobeo é titular ou ten encomendados neste momento 70 albergues de peregrinos nos Camiños a Santiago de Compostela que conforman a Rede Pública de Albergues de Peregrinos do Camiño de Santiago. Así mesmo esta S.A. xestiona 4 puntos ou centros de información / interpretación aos peregrinos e usuarios ao longo do Camiño de Santiago.

Estes albergues están espallados polos itinerarios declarados oficialmente pola Xunta de Galicia como Camiño de Santiago, que acadan mais de 1300 km, coa seguinte distribución xeográfica:

- Camiño francés: 22 albergues





- Camiño Primitivo: 6 albergues
- Camiño Norte: 8 albergues
- Camiño Inglés: 6 albergues
- Camiño Fisterra / Muxía: 5 albergues
- Camiño Portugués: 10 albergues
- Via da Plata – Camiño Mozárabe: 13 albergues

A acollida e hospitalidade aos peregrinos conforma unha peza básica na promoción do Camiño de Santiago e os seus valores, e constitúe un dos principais recursos culturais e turísticos de Galicia como figura establecido no Plan Director e Estratéxico do Camiño de Santiago, 2015-2021.

Nestes albergues no pasado ano 2019 foron acollidos 305.366 peregrinos de múltiples nacionalidades que percorren estas diversas rutas declaradas Camiño de Santiago en Galicia.

A S.A. de Xestión do Plan Xacobeo xestiona a maioría destes albergues directamente, por medio dunha empresa concesionaria; en concreto 50, namentres que os outros 20, aínda sendo titularidade da S.A. de Xestión, están xestionados por Concellos ou outras entidades. No primeiro caso, a S.A. de Xestión do Plan Xacobeo ten contratado o servizo de atención ao peregrino, limpeza e cobro nos albergues que xestiona directamente, na actualidade o concesionario é a empresa Clece. Esta mesma empresa asume, en virtude do seu contrato, a xestión do cobro efectuado nos albergues xestionados por Concellos e outras entidades mediante a venda de tickets numerados e correlativos impresos pola Fábrica Nacional de Moneda y Timbre e distribuídos por esta S.A.

Dende os inicios de creación da rede de albergues de peregrinos foron acordados diversos convenios de colaboración cos respectivos concellos para a xestión destes establecementos mantendo a S.A. a titularidade dos





mesmos. Ademais existen senllos convenios para a xestión dos albergues de Pontevedra e Mos coa Asociación Europea dos Camiños de Santiago e coa Asociación de Veciños Santa Baia de Mos (Pontevedra) respectivamente.

Cómpre a renovación destes convenios na medida en que se produza o vencemento dos actualmente vixentes ou na medida que o aconsellen as circunstancias particulares de cada caso.

Ao abeiro deste convenio cada Concello asinante ten ao seu cargo todos os gastos de conservación, mantemento e funcionamento do albergue da súa localidade, dispoñendo ao mesmo tempo do persoal necesario para atendelo segundo a normativa vixente. Así mesmo o Concello comprométese á venda dos bonos proporcionados pola S.A. de Xestión do Plan Xacobeo, a través da empresa adxudicataria, para a utilización dos albergues polos peregrinos e ingresará o resultado da recadación obtida na conta designada pola S.A. de Xestión do Plan Xacobeo.

A S.A. de Xestión do Plan Xacobeo destina as 2/3 partes da recadación obtida en cada albergue ao respectivo Concello para contribuír aos gastos asumidos en virtude deste convenio o terzo da recadación restante en beneficio da S.A. de Xestión do Plan Xacobeo como titular da Rede de albergues.

Resultou, por tanto, de interese tanto para a S.A. de Xestión do Plan Xacobeo como para o Concello a sinatura do convenio sobre esta materia para o albergue sito na Parroquia de Santa María, rúa Rúa Marismas s/n en Neda dado que dito albergue redunda en beneficio dos peregrinos, dos veciños do Concello así como da S.A. de Xestión do Plan Xacobeo.

A presente actuación é incompatible cunha concorrência competitiva dado que é o albergue público está dentro de dito Concello.





XUNTA DE GALICIA

CONSELLERÍA DE
CULTURA E TURISMO

S.A. DE XESTIÓN DO PLAN XACOBEO
Estrada Santiago-Noia, km 3
A Barcia, 15897, Santiago de Compostela
www.caminodesantiago.gal



Os intereses converxentes das partes asinantes exclúen o ánimo de lucro, dado que as cantidades ingresadas se corresponden unicamente para a compensación de custos do mantemento, e non poden satisfacerse axeitadamente mediante a celebración dun contrato dos contemplados na Ley de Contratos do Sector Publico, quedando por tanto excluído de acordo co establecido no artigo 6 do mesmo texto legal.

En atención ao exposto e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, está xustificado o recurso á sinatura do instrumento convencional con exclusión de outras figuras .

Isaías Juan Calvo de la Uz
O director de Administración e
Relacións coas Asociacións de
Amigos do Camiño de Santiago
(Asinado dixitalmente)



Xacobeo 2021

